

Канон Рождеству Пресвятой Богородицы

Празднуем 8 (21) сентября

Тропарь, глас 4-й

Рождество Твое, Богородице Дево, радость возвести всей вселенной: из Тебе бо возсия Солнце Правды Христос Бог наш, и разрушив клятву, даде благословение, и упразднил смерть, дарова нам живот вечный.

Канон, глас 2-й

Песнь 1

Ирмос: Грядите, людие, поим песнь Христу Богу, раздельшему море и наставльшему люди, яже изведе из работы египетския, яко прославися.

Припев: Пресвятая Богородице, спаси нас.

Грядите, вернии, Духом Божественным радуящися, Юже от неплодове днесь пришедшую, человеков на спасение, Приснодеву Отроковицу песнями почтим (*Дважды*).

Слава: Радуйся, Чистая Мати и Раба Христа Бога, Яже первому Ходатаице блаженству, человеческий род Тя, вси достойно песнями славим.

И ныне: Жизни раждается днесь мост, имже человецы возвание падения, еже от ада, обретшии, Христа Жизнодавца песнями прославляют.

Песнь 3

Ирмос: Утверди нас в Тебе, Господи, древом умерщвлей грех, и страх Твой всади в сердца нас, поющих Тя.

Пресвятая Богородице, спаси нас.

Непорочно Богу пожившии, всех родите Спасение, богомудрии родители Зиждителя рождшия и Бога нашего

(Дважды).

Слава: Всем жизнь источаяй Господь, от неплодове произведё Деву, в Нюже вселитися изволи и по рождестве сохранив нетленну.

И ныне: Аннин плод Марию днесь, грозд рождшую живоносный, яко Богородицу воспойм, Предстательницу же всех и Помощницу.

Господи, помилуй (*трижды.*) Слава и ныне:

Седален, глас 4-й

Дева Мариа и Богородица истинно, яко облак света днесь возсия нам, и от праведных предгрядет в славу нашу: не к тому Адам осуждается, и Ева от уз свободися и сего ради зовём, вопиюще со дерзновением Единой Чистой: радость возвещает рождество Твое всей вселенней.

Песнь 4

Ирмос: Услышах, Господи, слух Твоего смотрения, и прославих Тя, Единое Человеколюбче.

Пресвятая Богородице, спаси нас.

Воспеваем Тя, Господи, верным спасительное пристанище, подавшего всем, Тебе рождшую (*Дважды*).

Слава: Тя, Богоневесто, похвалу всем Христос яви и державу, поющим верно Твое таинство.

И ныне: Неискусобрачная Владычице, Твоими молитвами избавляеми прегрешений, благоразумно вси Тя ублажаем.

Песнь 5

Ирмос: Сеннописанный мрак гаданий разорив, и верных прибытием истины, Богоотроковицею озарив сердца, и нас светом Твоим, Христе, настави.

Пресвятая Богородице, спаси нас.

Воспойм, людие, всех Вину, Сущаго по нам быти Виновнаго: Еяже образу радовахуся сподобляеми пророцы, явленное спасение от Тоя плодяще (*Дважды*).

Слава: От суха прозябение жезла иереева, Израилю

показа́ проразсуждѣние: и ны́не свѣтлость прозя́бших пресла́вно свѣтит, от непло́дове всесла́вное рождѣние.

И ны́не: От суха прозябѣние... (*Повторить предыдущий тропарь*).

Песнь 6

Ирмос: Ко Го́споду от кѣта Ио́на возопі: Ты мя возведи́ из глубины́ а́да молю́ся, да я́ко Изба́вителю во гла́се хвалѣния, истины же ду́хом пожру́ Тебѣ.

Пресвята́я Богоро́дице, спаси́ нас.

Ко Го́споду в ско́рби непло́дства возопі́ша, Богома́тере богому́дрии родітели, и Сію́ в ро́ды родо́в роді́ша, на о́бщее спасѣние и похвалу́ (*Дважды*).

Слава: Прия́ша небѣсный дар от Бо́га досто́ин, Богома́тере богому́дрии родітели, самѣх Херувімов превы́шшее носіло, Сло́ва и Зиждітеля Родітельницу.

И ны́не: Прия́ша небѣсный дар... (*Повторить предыдущий тропарь*).

Го́споди, помілуй (*трижды*.) Сла́ва и ны́не:

Кондак, глас 4-й

Иоакі́м и Анна поноше́ния безча́дства, и Ада́м и Е́ва от тли смѣртныя свободі́стася, Пречи́стая, во святе́м рождестве́ Твоём. То прáзднуют и лю́дие Тво́я, вины́ прегрешѣний изба́вьшеся, внегда́ зва́ти Ти: непло́ды ражда́ет Богоро́дицу и Пита́тельную жи́зни на́шея.

Икос

Моли́тва кúпно и воздыхáние, непло́дства и безча́дства, Иоакі́ма же и Анны благоприя́тное, и во у́ши Господни вніде, и прозябе́ плод живонóсен міру. Ов бо моли́тву на го́ре творя́ше, о́ва же в садѣ поноше́ние ноша́ше: но с радóстию непло́ды ражда́ет Богоро́дицу и Пита́тельную жи́зни на́шея.

Песнь 7

Ирмос: Купина в горé огнепáльная и росонóсная печь халдéйская, я́ве предписа́ Тя, Богоневéсто: Божéственный бо Невещéственный в вещéственном чрэве огонь неопáльно прияла́ еси́: тэмже из Тебé Рóждшемуся поём: благословén еси́ Бóже отéц нáших.

Пресвятáя Богорóдице, спаси́ нас.

Твоé в вещéственных явлéниях законополо́жник возбранíся разумéти, и вели́кое, Пречíстая, та́инство, не мýдрствовати земнорéвностная о́бразно наказу́емь иногда́. Тэмже удíвлься чудесí, глаго́лаше, благословén Бог отéц нáших (*Дважды*).

Слава: Гóру и дверь небéсную, и мы́сленную Тя лéстницу боголéпно лик Божéственный пронаречé: от Тебé бо кáмень отсечéся не рука́ми мýжескими, и дверь, ёю́же прóйде Госпóдь, Иже чудéс Бог отéц нáших.

И ныне: Гóру и дверь... (*Повторить предыдущий тропарь*).

Песнь 8

Ирмос: В пещи́ óтрочестей прообразíл еси́ иногда́ Твою́ Мáтерь, Гóсподи, о́браз же сия́ из огня́ изымáше, неопáльно входя́щая. Я́же поём я́вльшуюся Тобóю концём днесь, и превозно́сим во вся вéки.

Пресвятáя Богорóдице, спаси́ нас.

Я́же к Бóгу нáшего примирéния, предопределéнная скíния, ё́же бы́ти ны́не начина́ет, имúщи родíти Сло́ва, нам дебелъством плóти я́вльшася. Егóже поём, из не сýщих во ё́же бы́ти Тем приёмшии, и превозно́сим во вся вéки (*Дважды*).

Слава: Неплóдства преложéние, мирскóе благíх разреши́ неплóдство, и я́сно чýдо Христá показá к земным́ пришédша. Егóже поём, из не сýщих во ё́же бы́ти тем приёмшии, и превозно́сим во вся вéки.

И ныне: Неплóдства преложéние... (*Повторить предыдущий тропарь*).

Песнь 9

Ирмос: Яже прѣжде со́лнца свети́льника Бо́га возсия́вшего, плóтски к нам пришѣдшаго из боку́ Дев́ичу неизрече́нно воплоти́вшая, Благосло́венная Всечи́стая, Тя, Богоро́дице, велича́ем.

Пресвята́я Богоро́дице, спаси́ нас.

Иже непокори́вым лю́дем из ка́мене источи́в во́ду, благопокори́вым же язы́ком, да́рует от чресл непло́дных плод на весе́лие нам, Тя, Богома́ти Пречи́стая, Ю́же досто́йно велича́ем (*Дважды*).

Слава: Напра́снаго дрѣвняго Отъя́тельница осужде́ния, и прамáтере исправле́ние, Ю́же ро́да к Бо́гу вину́ присво́ения, к Зижди́телю мост, Тя, Богоро́дице, велича́ем.

И ныне: Напра́снаго дрѣвняго... (*Повторить предыдущий тропарь*).